

永樂大典

卷八千九百七十
八

永樂大典卷之八千九百七十八

二十九

周

後周后妃

周書列傳 書紀有虞之德載登降二女詩述文王之美稱刑于寡妻是知婚姻之道男女之別寔有國有衆者之所慎也自三代迄于魏晉興衰之數得夫之迹備乎傳記故其詳可得聞焉若甥納以德防閑以禮大義止於宮闈王化行於邦國則坤儀式固而鼎命惟永矣至於邪僻既進法度莫修治容迷其主心私謁蠹其朝政則風化凌替而宗社不守矣夫然者豈非皇王之龜鑑與周氏率由姬制內職有序太祖創基修祚席以儉約高祖嗣曆節情欲矯枉宮闈有賈魚之美戚里無私溺之尤可謂得人君體也宣皇外行其志內逞其欲以溪徑難滿採擇無厭思之所加莫限廝皂榮之所及無隔險峻於是升蘭殿而正位踐椒庭而齊體者非一人焉階房帷而拖青紫承恩倖而擁玉帛者非一族焉雖辛癸之荒淫趙李之傾惑曾未足比其髣髴也民厭苛政弊事寔多太祖之祚忽諸持由於此故叙其事以為皇后傳云。

永樂大典卷八千九百七十八

文帝元皇后魏孝武帝之妹初封平原公主適開府張勳歡性貪殘遇后無禮又嘗殺后侍婢后怒訴之於帝帝乃執勳殺之改封后為馮翊公主以配太祖主孝閔帝大統七年薨魏恭帝三年十二月合葬成陵孝閔帝踐阼追尊為王后武成初又追尊為皇后

文宣叱奴皇后代人也太祖為丞相納后為姬主高祖天和三年六月尊為太皇皇后建德三年三月癸酉崩四月丁巳葬永固陵

孝閔帝元皇后名胡摩魏文帝第五女初封晉安公主帝之為略陽公也尚焉及踐阼立為王后帝被廢后出俗為尼建德初高祖誅晉國公護上帝尊號為孝閔帝以后為孝閔皇后居崇義宮隋代革命后出居里第大業十二年殂

明帝獨孤皇后太保衛國公信之長女帝之在藩也納為夫人二年正月立為王后四月崩葬昭陵武成初追崇為皇后世宗崩與后合葬

武帝阿史那皇后突厥木杆可汗侯斤之女突厥滅茹茹之後盡有塞表之地控弦數十萬志陵中夏太祖方與齊人爭衡結以為援侯斤初欲以女配帝既而悔之高祖即位前後累遣要結乃許歸后於我保定五年二月詔陳國公純許國公宇文貴神武公賈毅南陽公楊荐等奉備皇后文

物及行殿并六宮以下百二十人至侯斤牙帳所迎后。侯斤又許齊人以
婚。將有異志。純等在彼累載不得反命。雖論之以信義。侯斤不從。會大雷
風起。飄壞其穹廡。旬日不止。侯斤大懼。以為天譴。乃備禮送后及純等。
設行殿。列羽儀。奉之以歸。天和三年三月。后至高祖行親迎之禮。后有姿
貌。善容止。高祖深敬焉。宣帝即位。尊為皇太后。大象元年二月。改為天元
皇太后。二年二月。又尊為天元上皇太后。冊曰天元皇帝。臣贊奉璽綬。冊
謹上天元皇太后尊號曰天元上皇太后。伏惟窮神盡智。舍弘載物。道洽
萬邦。儀刑四海。聖慈訓誘。恩深明德。雖冊徽號。未極尊嚴。是用尊奉。鴻名
光輝。常禮。俾誠敬有展。歡慰在茲。福祉無疆。億兆斯賴。宣帝崩。靜帝尊為
太皇太后。隋開皇二年。年三十二。隋文帝詔有司備禮冊。祔葬於孝陵。
武帝李皇后名娥。姿楚人也。于謹平江陵。后家被籍沒。至長安。太祖以后
賜高祖。後稍得親幸。大象元年二月。改為天元帝太后。七月。又尊為天皇
太后。二年。尊為天元聖皇太后。冊曰天元皇帝。臣諱奉璽綬。冊謹上天皇
太后尊號曰天元聖皇太后。伏惟月精効祉。坤靈表既。瑞肇丹陵。慶流華
渚。雖率由今典。夙奉徽號。而思盡敬。未極尊名。是用思弘稱首。上昭聖德。
敢竭誠敬。永綏福履。顯揚慈訓。貽厥孫謀。宣帝崩。靜帝尊為太帝太后。隋

永樂大典卷之九百七

二

開皇元年三月。出俗為尼。改名常悲。八年。年五十三。居禮葬于京城南。
宣帝楊皇后名麗華。隋文帝長女。帝在東宮。高祖為帝納后。為皇太子妃。
宣政元年閏六月。立為皇后。帝復自稱天元皇帝。號后為天元皇后。尋又
立天皇后及左右皇后。與后為四皇后。馬二年。詔曰。帝降二女。后德所以
儷君。天列四星。妃象於馬。垂耀狀取法上玄。指諸今典。爰命四后。內正六
宮。庶弘贊柔德。廣修榮盛。比殊禮維降。稱謂曷宜。其因天之象。增錫嘉名。
於是后與三皇后並加太馬。帝遣使持節冊后為天元太皇后。曰咨爾舍
章載德。體順居貞。肅恭享祀。儀刑邦國。是用嘉茲顯號。式暢徽音。爾其敬
踐厥猷。實答靈命。對揚休烈。可不慎歟。尋又立為天中太皇后。與后為五
皇后。后性柔婉。不妬忌。四皇后及嬪御等咸愛而仰之。帝後昏暴。滋甚。喜
怒乖度。嘗譴后欲加之罪。后進止詳閑。辭色不撓。帝大怒。遂賜后死。逼令
引訣。后母獨孤氏聞之。詣闕陳謝。叩頭流血。然後得免。帝崩。靜帝尊后
為皇太后。居弘聖宮。初。宣帝不豫。詔后父入禁中侍疾。及大漸。劉昉鄭譯
等因璽詔。以后父受遺輔政。后初雖不預謀。然以嗣主幼冲。恐權在他族。
不利於已。聞昉譯已行此詔。心甚悅之。後知其父有異圖。意頗不平。形於
言色。及行禪代。愼悅逾甚。隋文帝既不能謹責。內甚愧之。開皇六年。封后

永樂大典

卷八九七八

為樂平公主。後又議奪其志。后誓不許。乃止。大業五年。從煬帝幸張掖。俎於河西。年四十九。煬帝還京。詔有司備禮祔葬。后於定陵。

宣帝朱皇后名滿。月。其人。也。其家坐事。没入東宮。帝之為太子。后被選。掌帝衣服。帝年少。召而幸之。遂生靜帝。大業元年。立為天元帝。后尋改為天皇后。二年。又改為天太皇后。冊曰。咨爾彌宣。四德。訓範六宮。軒庭列序。竟門表慶。嘉稱既隆。盛典宜膺。爾其飾性履道。無愆禮正。永固休祉。可不慎歟。后本非良家子。又年長於帝十餘歲。疎賤無寵。以靜帝故。持尊崇之。班亞楊皇后焉。宣帝崩。靜帝尊為帝太皇后。隋開皇元年。出俗為尼。名法津。六年。殂。年四十。以左禮葬京城。

宣帝陳皇后名月儀。自云潁川人。大將軍山提第八女也。大業元年六月。以選入宮。拜為德妃。月餘。立為天左皇后。二年二月。改天左大皇后。冊曰。咨爾儀範。柔剛。操履疑繁。淑問彰於遠近。今則冠於宮闈。是用申彼寵章。加茲徽號。爾其復禮。問詩。披圖顧史。永隆嘉命。可不慎歟。三日。又詔曰。正內之重。風化之基。嘉耦之制。代多殊典。軒轅繼軌。次妃並四。虞舜受命。厥娶猶三。禮非相襲。隨時不無。朕祇承寶圖。載弘徽號。自我改作。超作華先。古曰。天元居極。五帝所以仰崇。王者稱尊。列后於馬上儷。且坤儀比德。土

永樂大典卷九百七十八

三

數惟五。既得恒典。宜取斯儀。西太皇后外。可增置天中大皇后一人。天中大皇后。爰主采。徽音日躋。肇建嘉名。宜膺顯冊。於是以后為天中大皇后。帝崩。后出家為尼。改名華光。后父山提。本高氏之餘。仕齊官至持進。開府東兗州刺史。謝陽王。高祖平齊。拜大將軍。封沂陽郡公。大業元年。以后父超授上柱國。進封郟國公。除大宗伯。

宣帝元皇后名藥尚。河南洛陽人也。開府晟之第二女也。年十五。被選入宮。拜為貴妃。大業元年七月。立為天右皇后。二年二月。改為天元太皇后。冊曰。咨爾資靈。姜水。載德塗山。慈淑內融。徽音潛暢。是用加茲寵數。式先踐禮。爾其聿修儀範。肅膺顯冊。祇奉休命。可不慎歟。帝崩。后出俗為尼。改名華勝。初。后與陳后同時被選入宮。俱拜為妃。及升后位。又同日受冊。帝寵遇二后。禮數均等。年齒復同。持相親愛。及為尼後。李未及尉遲后等。並相繼殞没。而二后于今尚存。后父晟。必以元氏宗室。拜開府。大業元年七月。以后父。進位上柱國。封翼國公。

宣帝尉遲皇后名熾。繫蜀國公迥之孫女。有美色。初。迥祀國公。亮子西陽公溫。以宗婦列入朝。帝逼而幸之。及亮謀逆。帝誅溫。進后入宮。拜為長貴妃。大業二年三月。立為天左太皇后。冊曰。咨爾門膺積善。躬表靈貺。徽音

茂德朕實嘉之。是用弘茲盛典。申彼寵章。爾其克慎厥猷。寅咨景命。永承
 休烈。可不慎歟。帝崩。后出俗為尼。改名華首。隋開皇十五年。年三十。
 靜帝司馬皇后名令嫺。柱國榮陽公清難之女。大象元年二月。宣帝傳位
 於帝。七月。帝納為皇后。冊曰坤道成。形厚德於馬。載物陰精。送運重光。
 所以麗天。在昔皇王。膺乾御曆。內政為助。昭被圖象。惟爾門積慶靈。家韜
 休烈。徽音今範。無背一時。是用命爾作儷。皇極。爾其克勵。婉心。肅膺盛典。
 追皇英之逸軌。庶任如之芳塵。輝耀有光。策盛無怠。雖休勿休。以隆嘉祚。
 二年九月。隋文帝以后父擁眾奔陳。廢后為庶人。後嫁為隋司隸刺史李
 丹妻。于今尚存。史臣曰。孔子稱夷狄之有君。不如諸夏之無也。是以周
 納狄后。富辰謂之禍階。晉升戎女。卜人以為不吉。斯固非謬。馬自周氏受
 命。逮乎高祖。年踰三紀。世歷四君。業非草昧之辰。事殊權宜之日。乃業同
 即異。以夷亂華。猶婚姻之彝序。求豺狼之外利。既而報者倦矣。施者無厭。
 向之所謂和親。未幾已成讎敵。奇正之道。有異於斯。于時高祖雖受制於
 人。未親庶政。而謀士韞奇。直且鉗口。過矣哉。歷觀前載。以外戚而居宰輔
 者多矣。申呂則曠代無聞。呂霍則與時俱盛。傾漢室者王族。喪周祚
 者楊氏。何滅亡之禍。合若符契焉。斯魏文所以發一禁之詔也。已。

宋樂大典卷九百六

四

後周宗室

周書宗室 邵惠公顥太祖之長兄也。德皇帝娶樂浪王氏。是為德皇后。生顥。次杞。簡公連。次苕。莊公洛。生。次太祖。顥性至孝。德皇后崩。哀毀過禮。鄉黨咸敬異焉。德皇帝與衛可孤戰于武川南河。臨陣墜馬。顥與數騎奔救。擊殺數十人。賊眾披靡。德皇帝乃得上馬引去。俄而賊追騎大至。顥遂戰歿。保定初。追贈太師。柱國大將軍。大象案。大都督。恒朔等十州諸軍事。恒州刺史。封邵國公。邑萬戶。謚曰惠。顥三子。什肥。道護。護別有傳。什肥年十五而惠公歿。自傷。早孤。事母以孝聞。永安中。太祖入關。什肥不能離母。遂留晉陽。及太祖定秦隴。什肥為齊神武所害。保定初。追贈大將軍。小冢宰。大都督。冀定等州諸軍。冀州刺史。襲爵邵國公。謚曰景。子冑嗣。冑少而孤貧。頗有幹略。景公之見害也。以年幼下葬室。保定初。詔以晉公護子會。紹景公封。天和中。與齊通好。冑始歸關中。授大將軍。開府儀同三司。襲爵邵公。尋除宗師中大夫。進位大將軍。出為原州刺史。轉榮州刺史。大象末。隋文帝輔政。冑舉州兵應尉遲迥。與清河公楊素戰。敗。逃走。追獲於石濟。遂斬之。國除。冑子乾仁。幼好學。聰惠。魏恭帝二年。以護平江陵之功。賜爵江陵縣公。保定初。紹景公後。拜驃騎大將軍。開府儀同三司。二年。除蒲州潼關六防諸軍事。蒲州刺史。

胄至自齊。改封譚國公。尋進位柱國。建德初。與護同伏誅。三年五月。追贈復封舊爵。導字善慶。少雄豪。有仁惠。太祖愛之。初。與諸父在葛榮軍中。榮敗。遷晉陽。及太祖隨賀拔岳入關。導從而西。常從征伐。太祖討侯莫陳悅。以導為都督鎮原州。及悅敗。北走出。故塞。導率騎追之。至牽屯山。及悅斬之。傳首京師。以功封饒陽縣。增邑五百戶。拜冠軍將軍。加通直散騎常侍。魏文帝即位。以定策功。進爵為公。增邑五百戶。拜使持節散騎常侍。車騎大將軍。左光祿大夫。三年。太祖東征。導入宿衛。拜領軍將軍。大都督。齊神武渡河。侵馮翊。太祖自弘農引軍入關。導督左右禁旅。會於沙苑。與齊神武戰。大破之。進位儀同三司。明年。魏文帝東征。留導為華州刺史。及趙青雀于伏德。慕容思慶等作亂。導自華州率所部兵擊之。擒伏德。斬思慶。進屯渭橋。會太祖軍。事平。進爵章武郡公。增邑并前二十戶。尋加侍中。開府驃騎大將軍。太子少保。高仲密以北豫州降。太祖率諸將輔魏皇太子東征。復以導為大都督。華東。羅二州諸軍事。行華州刺史。導治兵訓卒。得定擇之方。及大軍不利。東魏軍追至稠桑。知關中有備。乃退。會侯景舉河東。附。遣使請援。朝議將應之。乃徵為隴右大都督。秦南等十五州諸軍事。秦州刺史。及齊氏稱帝。太祖發關中兵討之。魏文帝遣齊王廓鎮隴右。徵

導。遂朝拜大將軍。大都督。三雍二華等二十三州諸軍事。屯咸陽。大軍還。乃旋舊鎮。導性寬明。善於撫御。凡所引接。人皆盡誠。臨事敬慎。常若弗及。太祖每出征討。導恒居守。深為吏民所附。朝廷亦以此重之。魏恭帝元年。十二月。薨於上邽。年四十四。魏帝遣侍中漁陽王纒監護喪事。贈本官。加尚書令。秦州刺史。謚曰孝。朝議以導撫和。西戎感思。顯著。欲令世鎮隴右。以彰厥德。乃葬於上邽城。西無禮原。華戎會葬。有萬餘人。奠祭於路。悲號滿野。皆曰。我君捨我乎。大小相率。負土成墳。高五十餘尺。周圍八十餘步。為官司所止。然後泣辭而去。其遺愛見思如此。天和五年。重贈太師。柱國。函國公。導五子。廣亮。廣德。廣亮。廣德。並出復於祀。廣字乾歸。少方嚴。好文學。初封永昌郡公。孝閔帝踐阼。改封天水郡公。世宗即位。授驃騎大將軍。開府儀同三司。出為秦州刺史。武成初。進位大將軍。遷梁州總管。進封蔡國公。增邑萬戶。保定初。入為小司寇。尋以本官鎮蒲州。并知潼關等六防諸軍事。二年。除秦州總管。十三州諸軍事。秦州刺史。廣性明察。善綏撫。民庶畏而悅之。時晉公護諸子。及廣弟把國公亮等。服玩侈靡。踰越制度。廣獨率由禮則。又折節待士。朝野以是稱焉。嘗侍食於高祖。所食瓜美。持以奉進。高祖悅之。四年。進位柱國。廣以晉公護久擅威權。勸令挹損。護不能

納。天和三年。除陝州總管。以病免。及孝公進封幽國公。紹廣襲爵。初。廣母李氏。以廣患彌年。憂而成疾。因此致沒。廣既居喪。更加綿篤。乃以毀亮。世稱母為廣病。廣為母亡。慈孝之道。極於一門。高祖素服親臨。百僚畢集。其故史儀。同李充信等上表曰。臣聞資孝成忠。聖民高義。旌德樹善。有國常規。竊惟故幽國公巨廣。懿親今望。具瞻攸在。道冠群后。功懋維城。受朕建旆。威行秦隴。班條驅傳。化溢清函。比騰理畔。和奉詔還。闕藥石所及。沉疴漸愈。而災蒙仍集。可此窮憂。至性過人。遂增舊疾。因茲毀頽。以至薨殞。壽輝貫切。不能自己。臣等接事。每承餘論。仰之平昔。約已立身。位極上公。賦兼千乘。所獲操秣。周贍無餘。器用服玩。取給而已。每言及終始。尤存簡素。非秦政而褒吳禮。譏石得而美厚薪。今卜兆有期。先速方及。誠恐一從朝露。此志莫伸。伏惟陛下。弘不世之慈。垂霽然之澤。留情既往。降愍幽魂。爰初有司。申其宿志。窆少之禮。庶存儉約。詔曰。省充信等表。但增哀悼。幽國公廣。藩屏今望。宗室表儀。言著身文。行成士則。方憑懿戚。用匡朝政。奄丁荼菴。便致毀滅。故手歸金。無志推操。言念既往。震于厥心。昔河間才藻。追叙於中尉。東海諫約。見稱於身後。可斟酌前典。率由舊章。便易黃之言。得中遺志。然續之請。無虧令終。於是贈本官。加太保。葬於隴西。所司一遵詔。

宋樂大典卷九百九十八

育。並存儉約。于洽嗣。太定中。隋文輔政。以宗室被害。國除。亮字乾德。武成初。封水昌郡公。後襲烈公爵。除開府儀同三司。梁州總管。天和末。拜宗師。中大。進位大將軍。幽國公亮。以亮為秦州總管。廣之所部。悉以配焉。亮在州甚無政績。尋進位柱國。晉公護誅後。亮心不自安。唯縱酒而已。高祖手勅。讓之。建德中。高祖東伐。以亮為右第二軍總管。并州平。進位上柱國。仍從平鄴。遷大司徒。宣帝即位。出為安州總管。大象初。詔以亮為行軍總管。與元帥鄒國公章。孝寬等伐陳。亮自安陸道。攻拔黃城。轉破江側民村。掠其生口。以賜士卒。軍還至豫州。亮密謂長史杜士峻曰。主上淫縱滋甚。社稷將危。吾既忝宗枝。不忍坐見傾覆。今若襲取鄒國公。而并其衆。推諸父為主。鼓行而前。誰敢不從。遂夜將數百騎襲孝寬營。會亮國官茹寬。知其謀。先以馳告孝寬。乃設備。亮不克遁走。孝寬追斬之。子明生亮誅。詔以亮弟椿為烈公後。翼字乾宜。武成初。封西陽郡公。早薨。謚曰昭。無子。以杞國公亮子溫為嗣。後生亮反。誅國除。椿字乾壽。初封永昌郡公。保定中。授開府儀同三司。宗師。中大。建德初。加大將軍。尋除岐州刺史。四年。關中民亂。椿表陳其狀。書勞慰。因令所在開倉賑卹。四年。高祖東伐。椿與齊王憲。攻拔武濟等五城。五年。高祖出晉州。椿率衆屯樓難原。宣帝即

永樂大典

卷八九七八

位拜大司寇。亮誅後。詔令紹烈公封。尋進位上柱國。轉大司徒。大定初。為隋文帝所害。并其五子。西陽公道宗。本仁。隣武子。禮獻。象字乾道。保定初。封天水郡公。少而不惠。語默不常。人莫能測。隋文帝踐極。初欲封為介公。後復誅之。并二子仲和。執倫。

杞簡公連。幼而謹厚。臨敵果毅。隨德皇帝。逼定州軍於唐河。遂俱殲。保定初。遣贈使持節。太傅柱國大將軍。大司徒。大都督。定冀等十州諸軍事。定州刺史。封杞國公。邑五千戶。謚曰簡。子光寶。為齊神武所害。保定初。遣贈大將軍。小司徒。大都督。幽燕等六州諸軍事。幽州刺史。襲爵杞國公。謚曰烈。以章武公導子亮嗣。

苜莊公洛生。少任俠。尚武藝。及壯。有大度。好施愛士。北州賢俊。皆與之遊。而才能多出其下。及葛榮破鮮于脩禮。乃以洛生為漁陽王。仍領德皇帝餘衆。時人皆呼為洛生王。洛生善將士。帳下多驍勇。至於攻戰。莫有當其鋒者。是以克獲常冠諸軍。爾朱榮定山東。收諸豪傑。遣於晉陽。洛生時在虜中。榮雅聞其名。心憚之。尋為榮所害。保定初。遣贈使持節。太保柱國大將軍。大冢宰。大宗伯。大都督。并肆等十州諸軍事。并州刺史。封莒國公。邑五千戶。謚曰莊。子菩提。為齊神武所害。保定初。遣贈大將軍。小宗伯。大

永樂大典卷九百五十七

七

都督。肆恒等六州諸軍事。肆州刺史。襲爵莒國公。謚曰穆。以晉公護子至為嗣。至字乾附。初封崇業公。後襲穆公爵。建德初。父護誅。詔以衛王直子賓為穆公後。三年。追復至爵。賓字乾瑞。尋坐直誅。建德六年。更以齊王憲子廣都公真襲爵。真字乾禎。宣帝初。被誅。國除。虞國公仲德。皇帝從父兄也。卒于代。保定初。遣贈使持節。太傅柱國大將軍。大司徒。大都督。燕平等十州諸軍事。燕州刺史。封虞國公。邑三千戶。子興嗣。興生兵亂。與仲相夫。年又冲幼。莫知其戚屬。遠近。與太祖兄弟初不相識。齊神武寇沙苑。興預在行間。軍敗。被虜。隨例散配諸軍。興性弘柔。有志度。雖流離世故。而風範可觀。魏恭帝二年。舉賢良。除本郡丞。徙長隰縣令。保定二年。詔仲子興始附屬籍。高祖以興宗戚近屬。尊禮之甚厚。拜使持節。驃騎大將軍。開府儀同三司。都督。封大冢宰。郡公。尋除宗師中大夫。四年。出為涇州刺史。五年。又徵拜宗師。加大將軍。襲爵虞國公。天和二年。薨。高祖親臨。勸馬。詔大司空。中圖公。李穆。監護喪事。贈使持節。柱國大將軍。大都督。恒幽等六州諸軍事。恒州刺史。謚曰靖。子洛嗣。洛字水洛。九歲命為虞國公世子。天和四年。詔襲興爵。建德初。拜使持節。驃騎大將軍。儀同三司。及靖帝崩。隋文帝以洛為介國公。為隋室賓云。史臣曰。自古受命之君。及守文之主。

非獨異姓之輔也。亦有骨肉之助焉。其茂親有魯衛梁楚。其疎屬有凡蔣荆燕。咸能飛聲騰實。不泯於百代之後。至若幽孝公之熱烈。而加之以善政。蔡文公之純孝。而飾之以儉約。我我馬足。以輜輳於前。載矣。當隋氏之起。乘天威而服海內。將相王侯。莫不感肝膽。以効款。援符命。以頌德。曾以葭莩之親。據一州而叶義。舉可謂忠而能勇。功業不遂。悲夫。亮實庸才。圖非常於巨逆。古人稱不度德。不量力者。其斯之謂歟。

晉蕩公護。字薩保。太叔之兄。邵惠公顯之少子也。幼方正。有志度。持為德皇帝所愛。異於諸兄。年十一。惠公薨。隨諸父在葛榮軍中。榮敗。遷晉陽。太叔之入關也。護以年小不從。普泰初。自晉陽至平涼。時年十七。太叔諸子並幼。遂委護以家務。內外不嚴。而肅。太叔嘗歎曰。此兒志度類我。及出臨夏州。留護事賀拔岳。岳之被害。太叔至平涼。以護為都督。從征侯莫陳悅。破之後。以迎魏帝功。封水池縣伯。邑五百戶。大統初。加通直散騎常侍。征虜將軍。以預定樂勳。進爵為公。增邑通前一十戶。從太叔擒竇泰。復弘農。破沙苑。戰河橋。並有功。遷鎮東將軍。大都督。八年。進車騎大將軍。儀同三司。邛山之役。護率眾先鋒。為敵人所圍。都督侯伏侯龍恩挺身扞禦。方得免。是時趙貴等軍亦退。太叔遂班師。護坐免。

余集卷之九

官尋復本位。十二年。加驃騎大將軍。開府儀同三司。進封中山公。增邑四百戶。十五年。出鎮河東。遷大將軍。與子謹征江陵。護率輕騎為先鋒。晝夜兼行。乃遣裨將攻梁臨邊城鎮。並拔之。并擒其候騎。進兵徑至江陵城下。城中不意兵至。惶窘。夫圖護。又遣騎二千斷江津。收舟艦。以待大軍之至。圍而克之。以功封子會為江陵公。初。襄陽蠻帥向天保等。萬有餘落。恃險作梗。及師還。護率軍討平之。初行六官。拜小司空。太叔西巡。至牽屯山。遇疾。馳驛召護。護至涇州。見太叔。而太叔疾已綿篤。謂護曰。吾形容若此。必是不濟。諸子幼小。寇賊未寧。天下之事。屬之於汝。宜勉力以成。吾志。護涕泣奉命。行至雲陽。而太叔崩。護秘之。至長安。乃發喪。時嗣子冲。弱冠。在。近人情不安。護綱紀內外。撫循文武。於是眾心乃定。先是太叔常云。我得胡力。當時莫曉其旨。至是人以護字當之。尋拜柱國。太叔山陵畢。護以天命有歸。遣人諷魏帝。遂行禪代之事。孝閔帝踐祚。拜大司馬。封晉國公。邑一萬戶。趙貴。獨孤。信等謀襲護。護因貴入朝。遂執之。黨與皆伏誅。拜大象案。時司會李植。軍司馬孫恒等。在太叔之朝。久居權要。見護執政。恐不見容。乃密要宮伯乙弗鳳。張光。洛駕。拔提元。進等。為腹心。說帝曰。護誅趙貴以來。威權日盛。謀臣宿將。爭往附之。大小政事。皆決於護。以臣觀之。將不

守臣節。恐其滋蔓。願早圖之。帝然其言。鳳等又曰。以先王之聖明。猶委植。恒以朝政。今若左提右挈。何向不成。且晉公常云。我今夾輔陛下。欲行周公之事。臣聞周公攝政七年。然後復于明辟。陛下今日豈能七年若此乎。深願不疑。帝愈信之。數將武士於後園。講習為執縛之勢。護微知之。乃出植為梁州刺史。恒為潼州刺史。欲遏其謀。後帝思植等每欲召之。護諫曰。天下至親。不過兄弟。若兄弟自構嫌隙。他人何易可親。太祖以陛下富於春秋。願命託臣。以後事。臣既情兼家國。寔願竭其股肱。若使陛下親覽萬機。咸加四海。臣死之日。猶生之年。但恐除臣之後。姦回得逞其欲。非唯不利陛下。亦恐社稷危亡。臣所以勤勤懇懇。干觸天威者。但不負太祖之顧託。保安國家之鼎祚耳。不意陛下不照愚臣款誠。忽生疑阻。臣既為天子。兄。復為國家宰輔。知更何求。而懷異望。伏願陛下有以明臣。無惑讒人之口。因泣涕久之。乃止。帝猶猜之。鳳等益懼。密謀滋甚。遂克日將召群公入醢。執護誅之。光洛具以其前後謀告護。護乃召柱國賀蘭祥。小司馬尉遲綱等。以鳳謀告之。祥等並勸護廢帝。時綱總領禁兵。護乃遣綱入宮召鳳等議事。及出。以次執送護第。因罷散宿衛兵。遣祥逼帝幽於舊邸。於是召諸公卿畢集。護流涕謂曰。先王起自布衣。躬親行陣。勤勞王業。三十餘年。

寇賊未平。奄棄萬國。寡人地則猶子。親受顧命。以略陽公既居正嫡。與公等立而奉之。率魏與周。為四海主。自即位以來。荒淫無度。昵近群小。昧忘骨肉。大臣重將。咸欲誅夷。若此謀遂行。社稷必致傾覆。寡人若死。將何面目。以見先王。今日寧負略陽。不負社稷。爾寧都公。年德兼茂。仁孝聖慈。四海歸心。萬方注意。今欲廢昏立明。公等以為如何。率臣咸曰。此公之家事。敢不惟命是聽。於是斬鳳等於門外。并誅植恒等。尋亦弒帝。迎世宗於岐州而立之。二年。拜太師。賜輅車。冕服。封于至為。崇業郡公。初改雍州刺史為牧。以護為之。并賜金石之樂。武成元年。護上表歸政。帝許之。軍國大事尚委於護。帝性聰睿。有識量。護深憚之。有李安者。本以罪沮得寵於護。稍被升擢。位至膳部下大夫。至是。護乃密令安因進食於帝。加以毒藥。帝遂寢疾而崩。護立高祖百官。摠己以聽於護。自太祖為丞相。立左右十二軍。摠屬相府。太祖崩後。皆受護處分。凡所徵發。非護書不行。護第屯兵禁衛。盛於宮闕。事無巨細。皆先斷。後聞。保定元年。以護為都督。中外諸軍事。今五府摠於天官。或有希護旨云。周公德重。當立文王之廟。以護功比周公。宜用此禮。於是詔於同州晉國第。立德皇帝別廟。使護祭焉。三年。詔曰。大家宰晉國公。智周萬物。道濟天下。所以克成我帝業。安養我蒼生。况親

則懿昆任當元輔而可同班羣品齊位衆臣自今詔誥及百司文書並不
得稱公名以彰殊禮護抗表固讓初太祖創業即與突厥和親謀為倚角
共圖高氏是年乃遣柱國楊忠與突厥東伐破齊長城至并州而還期後
年更舉南北相應齊主大懼先是護母閭姬與皇第四姑及諸戚屬並沒
在齊皆被幽繫護居宰相之後每遣問使尋求莫知音息至是竝許還朝
且請和妯四年皇姑先至齊主以護既當權重乃留其母以為後圖仍命
人為閭作書報護曰天地隔塞子母異所三十餘年存亡斷絕肝腸之痛
不能自勝想汝悲思之懷復何可處吾自念十九入汝家今已八十矣既
逢亂備嘗艱阻恒冀汝等長成得見一日安樂何期罪累深重存沒分
離吾凡生汝輩三男三女今日目下不覩一人興言及此悲纏肌骨頓皇
齊恩郵差安衰暮又得汝楊氏姑及汝叔母紇干汝嫂劉新婦等同居頗
亦自適但為微有耳疾大語方聞行動飲食幸無多故今大齊聖德遠被
特降鴻慈既許歸吾於汝又聽先致音耗積稔長悲豁然獲展此乃仁侔
造化將何報德汝與吾別之時年尚幼小以前家事或不委曲昔在武川
鎮生汝兄弟大者屬鼠次者屬兔汝身屬蛇鮮於修禮起日吾之闔家大
小先在博陵邵住相將欲向左人城行至唐河之北被定州官軍打敗汝

祖及二叔時俱戰亡汝叔母賀拔及兒元寶汝叔母紇干及兒菩提并吾
與汝六人同被擒捉入定州城未幾間將吾及汝送與元寶掌賀拔紇干各
別分散寶掌見汝云我識其祖翁形狀相似時寶掌營在唐城內徑傳三
日寶掌所掠得男夫婦女可六七十人悉送向京吾時與汝同被送限至
定州城南夜宿同鄉人姬庫根家如奴望見鮮于修理營火語吾云我
今走向本軍既至營遂告吾輩在此明旦日出汝叔將兵邀截吾及汝等
運得向營汝時年十二共吾並乘馬隨軍可不記此事緣由也於後吾共
汝在壽陽住時元寶菩提及汝姑兒賀蘭盛洛并汝身四人同學博士姓
成為人嚴惡凌等四人謀欲加害吾汝共叔母等聞知各捉其兒打之唯
盛洛無母獨不被打其後余未天柱亡歲賀拔阿斗泥在關西遣人迎家
累時汝叔亦遣奴來富迎汝及盛洛等汝時着緋綾袍銀裝帶盛洛着紫
織成縵通身袍黃綾裏並乘驃而去盛洛小於汝汝等三人竝呼吾作阿
摩敦如此之事當分明記之耳今又寄汝小時所着錦袍表一領至宜檢
看知吾含悲感多歷年紀屬十載之運逢大齊之德矜老闢恩許得相見
一聞此言死猶不朽况如今者勢必聚集禽獸草木母子相依吾有何罪
與汝分離今復何福還望見汝言此悲喜死更而蘇世間所有求皆可得

永樂大典

卷八九七八

母子異國。何處可求。假汝責極王公。富過山海。有一老母八十之年。飄然千里。死亡旦夕。不得一朝暫見。不得一日同處。寒不得汝衣。飢不得汝食。汝雖窮祭極盛。光耀世間。汝何用為。於吾何益。吾今日之前。汝既不得申其供養。事往何論。今日以後。吾之殘命。唯繫於汝。爾戴天履地。中有鬼神。勿云冥昧。而可欺負。汝揚氏姑。今雖炎暑。猶能先發。關河阻遠。隔絕多年。書依常體。慮汝致惑。是以每存款實。兼亦載吾姓名。當識此理。不以為怪。護性至孝。得善。悲不自勝。左右莫能仰視。報書曰。區宇分崩。遭遇災禍。連離膝下三十五年。受形稟氣。皆知母子。誰同薩保。如此不孝。宿殃積戾。唯應賜鐘。豈悟網羅。上嬰慈母。但立身立行。不負一物。明神有識。宜見哀憐。而子為公侯。母為俘隸。然不見母。熱寒不見母。寒衣不知有無。食不知饑飽。泯如天地之外。無由暫聞。晝夜悲號。繼之以血。分懷冤酷。終此一生。死若有知。冀奉見於泉下。爾不謂齊朝解網。惠以德音。磨數四姑。並許矜放。初聞此旨。魂爽飛越。號天叩地。不能自勝。四姑即蒙禮送。平安入境。以今月十八日。於河東拜見。遂奉顏色。崩動肝腸。但離絕多年。存亡阻隔。相見之始。口木思言。唯叙齊朝寬弘。每存大德。云與摩敦。雖處宮禁。常蒙優禮。今者來鄴。思遇彌隆。矜哀聽許。摩敦垂救。曲盡悲酷。備述家事。伏讀未周。

永樂大典卷八九七八

土

五情看割。書中所道。無事敢忘。摩敦年尊。又如憂苦。常謂寢膳貶損。或多遺漏。伏奉論述。次第分明。一則以悲。一則以喜。當鄉里破敗之日。薩保年已十餘歲。隣曲舊事。猶自記憶。况家門禍難。親戚流離。奉辭時節。先後慈訓。刻肌刻骨。常纏心腑。天長喪亂。四海橫流。太祖來時。齊朝撫運。兩河三輔。各種神機。原其事迹。非相負背。太祖升遐。未定天保。薩保屬當。猶子之長。親受顧命。雖身居重任。職當憂責。至於歲時。稱慶。子孫在庭。顧視悲摧。心情斷絕。胡顏履戴。負規神明。霽然之恩。既以霑洽。愛敬之至。施及傍人。草木有心。禽魚感澤。況在人倫。而不銘戴。有家有國。信義為本。伏度來期。已應有日。一得奉見。慈顏永畢。主願。生死骨肉。豈過今恩。負山戴岳。未足勝荷。一國分隔。埋無書信。主上以彼朝不絕于母之恩。亦賜許奉答。不期今日。得通家問。伏紙嗚咽。言不宣心。家寄薩保。別時所留錦袍。表年歲雖久。宛然猶識。抱此悲泣。至于拜見。事歸思死。知復何心。齊朝不即發遣。更令與護書。安護重報。往返再三。而母竟不至。朝議以其失信。今有司移齊曰。夫有義則存。無信不立。山岳猶輕。兵食非重。故言誓弗違。重耳所以享國。祝史無規。隨會所以為盟。未有司牧生民。君臨有國。可以忘義。而多食言者也。自數屬也。夷時鐘圮。隔皇家親戚。淪陷三絕。仁姑世母。望絕生還。

彼朝以去夏之初德音爰發已送仁姑許歸世母乃稱頃者指克來秋謂其信必由東嘉言無爽今落木成候冰霜行及方為世母虛設詭詞未議言歸更徵酬答子女玉帛既非所須保境寧民又云匪報詳觀此意全乖本圖愛人以禮豈為姑息安于責誠實親求報實傷和氣有悖天經我之周室太祖之天下也焉可捐國顧家殉名虧實不害所養斯曰仁人卧鼓潛鋒孰非深計若令送爭尺寸兩競鋒刃尾震長平則趙分為二兵出函谷則韓裂為三安得猶全謂無損益大豕宰位隆將相情兼家國銜悲茹血分畢冤魂豈意嗔指可尋倚門應至徒聞善始卒無令終百辟震驚三軍憤惋不為孝子當作忠臣去歲北軍深入數俘城下雖曰班師餘功未遂今茲馬首南向更期重入晉人角之我之職矣聞諸路早以戒嚴非直北拒又將南略倘欲自送此之願也如或嬰城未能求敵詰朝請見與君周旋為惠不終祇增深怨愛親無慢垂訓尼父矜卹窮老貼則周文環玦之義事不由此自應內省宜且有聞移書未送而母主舉朝慶悅大赦天下護與母睽隔多年一旦聚集凡所資奉窮極華盛每四時伏臘高祖率諸親戚行家人之禮稱觴上壽榮貴之極振古未聞是年也突厥復率眾赴期護以齊氏初送國親未欲即事征討復慮失信蕃夷更生邊患不得

永樂大典卷九百七

十一

已遂請東征九月詔曰神若軒皇尚云三戰聖如姬武且曰一戎狐天之威干戈之用帝王大器誰能去兵太祖丕受天明造我周室日月所照周不率從高氏乘蒙跋扈竊有弁翼世濟其惡腥穢彰聞皇天震怒假手突厥驅略汾晉掃地無遺李孟勢窮伯珪日蹙坐待滅亡鑒之愚智故突厥班師仍屯彼境更集諸部傾圍齊至星流電擊數道俱進期在仲冬同會并鄴大豕宰晉公朕之懿昆任隆伊呂平一宇宙惟公是屬朕當親執斧鉞廟庭祇受有司宜勅衆軍量程赴集進止遵速委公處分於是徵二十四軍及左右廂隸及秦隴巴蜀之兵諸蕃國之衆二十萬人十月帝於廟庭授護斧鉞出軍至潼關乃遣柱國尉遲迥率精兵十萬為前鋒大將軍權景宣率山南之兵出豫州少師楊樹出軹關護連營漸進屯軍弘農迥攻圍洛陽柱國公憲鄭國公達奚武等營於邙山護性無戎畧且此行也又非其本心故師出雖久無所克獲護本令壅斷河陽之路過其救兵然後同攻洛陽使其內外隔絕諸將以為齊兵必不敢出唯斥候而已值連日陰霧齊騎直前圍洛之軍一時潰散雖尉遲迥率數十騎扞敵齊公憲又督邙山諸將拒之乃得全軍而返權景宣攻克豫州尋以洛陽圍解亦引軍退楊樹於軹關戰沒護於是班師以無功與諸將稽首請罪帝弗之

責也。天和二年護母憂。尋有詔起。今視事。四年護廵歷北邊城鎮至靈州而還。五年。又詔曰。先宅曲阜。魯用郊天之樂。地處參墟。晉有大蒐之禮。所以言時計功。昭德紀行。使持節太師都督中外諸軍事。柱國大將軍大冢宰晉國公。體道居貞。含和誕德。地居戚右。才表棟隆。國步艱難。寄深夷險。皇綱締構。事均休戚。故以迹冥殆庶。理契如仁。今文軌尚隔。方隅猶阻。典策未備。聲明多闕。宜賜軒懸之樂。六佾之舞。護性甚寬和。然暗於大體。自恃建立之功。又當權軸。凡所委任。皆非其人。兼諸子貪殘。僚屬縱逸。恃護威勢。莫不盡政害民。上下相蒙。曾無疑慮。高祖以其暴慢。害與衛王直圖之。七年三月十八日。護自同州還。帝御文安殿。見護。詔引護入舍。仁殿朝皇太后。先是帝於禁中見護。常行家人之禮。護謁太后。太后必賜之坐。帝立侍馬。至是護將入。帝謂之曰。太后春秋既尊。頗好飲酒。不親朝謁。或廢引進。喜怒之間。時有乖爽。比雖犯顏。屢諫。未蒙垂納。兄今既朝拜。願更啓請。因出懷中酒。語以授護。曰。以此諫太后。護既入。如帝所戒。請示太后。不能傷時。衛王直先匿於戶內。乃出斬之。初。帝欲圖護。王執宇文神舉。宇文孝伯。頗豫其謀。是日。執等並在外。更無知者。殺護訖。乃召宮伯長孫覽。

等告之。即令收護于柱國譚國公會。大將軍普國公至。崇業公靜。正平公軋嘉。及軋基。軋光。軋蔚。軋祖。軋威等。并柱國侯伏龍恩。龍恩弟大將軍萬壽。大將軍劉勇中。外府司錄尹公正。表傑。膳部下大夫李安等。於殿中殺之。齊王憲白帝曰。李安出自皂隸。所典唯庖厨而已。既不預時政。未足加戮。高祖曰。公不知耳。世宗之崩。安所為也。十九日詔曰。君親無將。將而必誅。太師大冢宰普公護。地寔宗親。義兼家國。爰初草創。同濟艱難。遂任總朝權。寄深國命。不能竭其誠。効罄以心力。盡事君之節。申送任之情。朕凡政略。陽公。英風秀逸。神機穎悟。地居聖胤。禮歸當璧。遺訓在耳。惡害先加。水尋推割。貫切骨髓。世宗明皇帝。聰明神武。機藏智護。內懷凶悖。外託尊宗。凡厥臣民。誰亡怨憤。朕承洪基。十有三載。委政師輔。責成宰司。護志在無君。義違臣節。懷茲蔓毒。逞彼狼心。任情誅暴。肆行威福。朋黨相親。賄貨公行。所好加羽毛。所惡生瘡痍。朕約已菲躬。情存庶政。每恩施寬。惠下輒抑。而不行。遂使戶口凋殘。征賦勞劇。家無日給。民不聊生。且三方未定。邊隅尚阻。壇場待戎。旗之備。武夫資扞城之力。侯伏龍恩。萬壽。劉勇等。未効庸勳。先居上將。高門峻宇。甲第彫墻。寔繁有徒。同惡相濟。民不見德。唯利是歸。百姓嗷嗷。道路以目。含生業業。相顧銷口。常恐七百之基。忍

馬願墜。億兆之命。一旦沾危。上累祖宗之靈。下負蒼生之責。今肅正典刑。護已即罪。其餘凶黨。咸亦伏誅。氛霧既清。遐邇同慶。朝政惟新。兆民更始。可大赦天下。改天和七年為建德元年。護世子訓為蒲州刺史。其夜遣柱國越國公威乘傳往蒲州徵訓赴京師。至同州賜死。護長史代郡叱羅協。司錄弘農馮遷及所親任者皆除名。護子昌城公深使突厥。遣開府宇文德齋。齋書就殺之。三年。詔復護及諸子先封。謚護曰蕩。並改葬之。叱羅協本名與高祖諱同。後改焉。少寒微。嘗為州小吏。以恭謹見知。恒州刺史楊鈞擢為從事。及魏末。六鎮騷擾。客於冀州。冀州為葛榮所圍。刺史以協為統軍。委以守禦。俄而城陷。協沒於榮。榮敗。事汾州刺史。今朱兆。頗被親遇。補錄事參軍。兆為天柱大將軍。轉司馬。兆與齊神武初戰。不利。還上黨。今協在建州督軍糧。後使協至洛陽。與其諸叔計事。謀討齊神武。兆等軍敗。還并州。今協治肆州刺史。兆死。遂事齊。齊甚禮之。泰為御史中尉。以協為治書侍御史。泰向潼關。協為監軍。泰死。協亦見獲。太祖以其在關歲久。授大丞相府東閣祭酒。撫軍將軍。銀青光祿大夫。轉錄事參軍。遷主簿。加通直散騎常侍。攝大行臺郎中。累遷相府屬。從事中郎。協歷仕二京。詳練故事。又深自克勵。太祖頗委任之。然猶以其家屬在東。疑其有戀本之望。

宋樂真卷十九是文

古

及河橋戰。不利。協隨軍而還。太祖知協不貳。封冠軍將軍。男。邑二百戶。尋加車騎將軍。左光祿大夫。九年。除直閣將軍。恒州大中正。加都督。進爵為伯。增邑八百戶。尋遷大都督。儀同三司。初。太祖欲經畧漢中。今協行南岐州。刺史并節度東益州戎馬事。魏廢帝元年。即授南岐州刺史。時東益州刺史楊辟邪據州反。二年。協率所部兵討之。軍次涪水。會有凶賊一千人。斷道破橋。協遣儀同仇買等行前擊之。賊開路。協乃領所部漸進。又有凶賊一千人。邀協。協乃將兵四百人守峽道。與賊短兵接戰。賊乃退避。辟邪棄城走。協追斬之。群臣皆伏。以功授開府。仍為大將軍。討遼。迺長史率兵伐蜀。既入劔閣。迺今協行潼州事。時有五城郡氏酋趙雄傑等扇動新潼。始三州民反叛。聚結二萬餘人。在州南三里。隔涪水。據槐林山。置柵拒守。梓潼郡民鄧壯王今公等。招誘鄉邑萬餘人。復在州東十里。涪水北。置柵以應之。同潼州城城中糧少。軍人乏食。協撫安內外。咸無異心。遣儀同伊婁訓大都督司馬高。等將步騎千餘人。夜渡涪水。擊雄傑。一戰破之。今公以雄傑敗。亦棄柵走。還本郡。復與鄧壯等更率萬餘人於郡東南。隔水置柵。斷絕驛路。協遣儀同楊長樂。與司馬高。等率師討之。復遣大都督裴孟嘗。領百姓繼進。為其聲勢。孟嘗既至。梓潼。值水漲。不得即渡。而王今公鄧壯。

永樂大典

卷八九七八

見孟嘗騎少乃將三千餘人圍之數重孟嘗以衆寡不敵各棄馬短兵接戰從辰止于於陣斬今公及壯等賊徒既夫渠帥遂即散走其徒黨仍據舊柵而孟嘗方得渡水與長樂合即勒兵攻柵經三日賊乃請降此後數反叛協輒遣兵討平之魏恭帝三年太祖徵協入朝論蜀中事乃賜姓宇文氏增邑通前一十五百戶晉公護既殺孫恒李植等欲委腹心於司會柳慶司憲今狐整等慶整並辭不堪俱薦協語在慶整傳護遂徵協入朝既至護引與同宿深寄託之協欣然承奉誓以軀命自効護大悅以為得協之晚即授軍司馬委以兵事尋轉治御正又授護府長史進爵為公增邑一十戶常在護側陳說時事多被納用世宗知其材識庸淺每折之數謂之曰汝何知也猶以護所親任難即奔黜每舍容之及世宗崩便授協司會中大夫中外府長史協形貌瘦小舉措褊急既以得志每自矜高朝士有來請事者輒云汝不解吾今教汝及其所言多乖事衷當時莫不笑之保定二年追論平蜀功別一子縣侯又於蜀中食邑一千戶入其祖賦之半晉公護以協竭忠於已每提獎之頻考上中賞以粟帛遷少保轉少傅進位大將軍爵南陽郡公兼營作副監宮室既成以功賜爵洛邑縣公回授一子協既受護重委冀得婚連帝室乃求復舊姓叱羅氏護為奏請

永樂大典卷八九七八

五

高祖許之又進位柱國護以協年老許其致仕而協貪榮未肯退護誅協除名建德三年高祖以協宿齒授儀同三司賜爵南陽郡公時與論說舊事是歲卒年七十六子金嗣馮遷字羽化父漳州從事及遷官達追贈儀同三司陝州刺史遷少修謹有幹能州辟從事魏神龜中刺史楊鈞引為中兵參軍事轉定襄令尋為并州水曹參軍所歷之職咸以勤恪著稱及魏孝武西遷乃棄官與直閣將軍馮靈璩入關即從魏孝武復潼關定回洛除給事中後從太祖擒竇泰復弘農戰沙苑皆有功授都督龍驤將軍羽林監封獨顯縣伯邑六百戶及洛陽之戰遷先登陷陣遂中重瘡僅得不死以功加輔國將軍軍師都督爵為侯久之出為廣漢郡守時蜀土初平人情擾動遷政存簡恕夷俗頽之魏恭帝二年就加車騎將軍大都督通直散騎常侍鎮樊城尋拜漢東郡守孝閔帝踐祚入為晉公護府掾加車騎大將軍儀同三司進爵臨高縣公尋遷護府司錄進授驃騎大將軍開府儀同三司遷性質直小心畏慎雖居樞要不以勢位加人兼明練時事善於斷決每校閱文簿孜孜不倦從辰逮夕未嘗休止以此甚為護所委任後以其朝之舊齒欲以衣錦榮之乃授陝州刺史進爵隆山郡公增邑并前二十戶遷本寒微不為時輩所重一旦刺舉本州唯以謙恭

接待鄉邑人無怨者。復入為司錄。轉工部中大夫。歷軍司馬。遷小司空。自天和已後。遷以平老。委任稍衰。及護誅。猶除名。建德末。卒於家。時年七十。八子起。位至儀同三司。伏夷鎮將。平寇縣伯。護所委信者。又有朔方邊平。位至大將軍。軍司馬。護敗。亦除名。史臣曰。仲尼有言。可與適道。未可與權。夫道者。率禮之謂也。權者。反經之謂也。率禮由于正理。易以成佐世之功。反經繫乎非常。難以定匡之業。故得其人。則治。伊尹放太甲。周公相孺子。是也。不得其人。則亂。新都遷漢鼎。晉氏傾魏族。是也。是以先王明上下之序。聖人重君臣之分。委質同於股肱。受爵均其休戚。當其親受顧託。位居宰衡。雖復承利劍臨沸鼎。不足以驚其慮。據帝圖。居海內。不足以回其心。若斯人者。固以功與山嶽爭其高。名與宇壤齊其久矣。有周受命之始。宇文護寔預艱難。及太祖崩。俎諸子。冲幼。羣公懷等夷之志。天下有去就之心。率能變魏為周。俾危獲乂者。護之力也。向使加之。以禮讓。繼之以忠貞。桐宮有悔過之期。未央終天年之數。則前史所載。馬足以道哉。然護寡於學術。昵近羣小。威福在己。征伐自出。有人臣無君之心。為人主不堪之事。忠孝大節也。違之而不疑。廢核至逆也。行之而無悔。終於身首橫分。妻孥為戮。不亦宜乎。

齊場王憲字毗賀。愛太祖第五子也。性通敏。有度量。雖在童戲。而神彩嶷然。初封涪城縣公。少與高祖俱。受詩傳。咸綜機要。得其指歸。太祖嘗賜諸子良馬。惟其所擇。憲獨取駁馬。太祖問之。對曰。此馬色類既殊。或多駁。逸若從軍。征伐牧圍。易分。太祖喜曰。此兒智識不凡。當成重器。後從獵隴上。經官馬。牧太祖每見駁馬。輒曰。此我兒馬也。命左右取以賜之。魏恭帝元年。進封安城郡公。孝閔帝踐祚。拜驃騎大將軍。開府儀同三司。世宗即位。授大將軍。武成初。除益州總管。益寧巴瀘等二十四州諸軍事。益州刺史。進封齊國公。邑萬戶。初平蜀之後。太祖以其形勝之地。不欲使宿將居之。諸子之中。欲有推擇。徧問高祖。已下誰能此行。並未反對。而憲先請。太祖曰。刺史當撫衆治民。非爾所及。以平授者。當歸爾。兄。憲曰。才用有殊。不關大小。試而無効。其受面欺。太祖大悅。以憲年尚幼。未之遣也。世宗追遵先旨。故有此授。憲時年十六。善於撫綏。留心政術。辭訟輻湊。聽受不疲。蜀人懷之。共立碑頌德。尋進位柱國。保定中。徵還京。拜雍州牧。及晉公護東伐。以射還迴。為先鋒。圍洛陽。憲與達。奚武。王雄。等軍於邙山。自餘諸軍。各分守險要。齊兵數萬。奄出軍。後諸軍。惟駭。並各退散。唯憲與王雄。達。奚武。率衆拒之。而雄為齊人所斃。三軍震懼。憲親自督勵。衆心乃安。時晉公護執

政。雅相親委。賞罰之際。皆得預焉。天和三年。以憲為大司馬。治小冢。宰雍州。拔如故。四年。齊將獨孤水業來寇。盜殺孔城。防主能奔達。以城應之。詔憲與柱國李穆將軍出宜陽。築崇德等五城。絕其糧道。齊將斛律明月率衆四萬。築壘洛南。五年。憲涉洛。邀之。明月遁走。憲追之。及於安業。屢戰而還。是歲。明月又率大衆於汾北。築城。西至龍門。晉公護謂憲曰。寇賊充斥。戎馬交馳。遂使疆場之間。生民委弊。豈得坐觀屠滅而不思救之。汝謂計將安出。曰。如憲所見。兄宜暫出同州。以為威勢。憲請以精兵居前。隨機攻取。非惟邊境清寧。亦當別有克獲。護然之。六年。乃遣憲率衆二萬。出自龍門。齊將新蔡王王康德。以憲兵至。潛軍宵遁。憲乃西歸。仍掘移汾水。水南堡壁。復入於齊。齊人謂畧不及遠。遂弛邊備。憲乃渡河。攻其伏龍等四城。二日盡拔。又進攻張壁。克之。獲其軍實。夷其城壘。斛律明月時在華谷。弗能救也。北攻姚襄。城陷之。時汾州又見圍。日夕糧援路絕。憲遣柱國宇文威。運粟以饋之。憲自入兩乳谷。襲克齊柏社城。進軍姚襄。齊人嬰城固守。憲使柱國譚公會。築石殿城。以為汾州之援。齊平原王段孝先。蘭陵王高長恭。引兵大至。憲命將士陣而待之。大將軍韓歡為齊人所乘。遂以奔退。憲身自督戰。齊衆稍却。會日暮。乃各收軍。及晉公護誅高祖。召憲入。憲免

冠拜謝。帝謂之曰。天下者太祖之天下。吾嗣守鴻基。常恐失墜。冢宰無君凌上。將圖不軌。吾所以誅之。以安社稷。汝親則同為休戚共之事。不相涉。何煩致謝。乃詔憲往護第。收兵符及諸簿書等。尋以憲為大冢宰。時高祖既誅宰臣。親覽朝政。方欲導之以政。齊之以刑。爰及親親。亦為刻薄。憲既為護所委任。自天和之後。威勢漸隆。護欲有所陳。多令憲聞奏。其間或有可采。憲慮主相嫌隙。每曲而暢之。高祖亦悉其此心。故得無患。然猶以威名過重。終不能平。雖遷授冢宰。寔奪其權也。開府裴文舉。憲之侍讀。高祖常御內殿。引見之。謂曰。晉公不臣之迹。朝野所知。朕所以泣而誅者。安國家。利百姓。身昔魏末。不綱。太祖匡輔元氏。有周受命。晉公復執威權。積習生常。便謂法應須爾。豈有三十歲天子。而可為人所制乎。且近代以來。又有一弊。暫經隸屬。便即禮若君臣。此乃亂代之權宜。非經國之治術。詩云。夙夜匪解。以事一人。一人者。本據天子爾。雖陪侍齊公。不得即同臣主。且太祖十兒。寧可悉為天子。卿宜規以正道。勸以義方。輯睦我君。臣協和我骨肉。無令兄弟。弟自致嫌疑。文舉拜謝而出。歸以白憲。憲指心撫几曰。吾之夙心。公寧不悉。但當盡忠竭節。且知復何言。建德三年。進爵為王。憲友劉休徵獻王箴一首。憲美之。休徵後又以此箴上高祖。高祖方剪削諸第。甚

悅其文。憲常以兵書繁廣難求指要乃自刊定為要畧五篇至是表陳之高祖覽而稱善其秋高祖幸雲陽宮遂寢疾衛王直於京師舉兵反高祖召憲謂曰衛王構逆汝知之乎憲曰臣實不知今始奉詔直若逆天犯順此則自取滅亡高祖曰汝即為吾前軍吾亦續發直尋敗走高祖至京師憲與趙王招俱入拜謝高祖曰管蔡為戮周公作輔人心不同有如其面但愧兄弟親尋干戈於我為不足耳初直內深忌憲憲隱而容之且以帝之母弟每加友敬晉公護之誅也直固請及憲高祖曰齊公心迹吾自悉之未得更有所疑也及文宣皇后崩直又密啓云憲飲酒食肉與平日不異高祖曰吾與齊王異生俱非正嫡特為吾意今袒括是同汝當愧之何論得失汝親太后之子偏荷慈愛今但須自勦無假說人直乃止四年高祖將欲東討獨與內史王誼謀之餘人莫得知也後以諸弟才畧無出於憲右遂告之憲即贊成其事及大軍將出憲表上私財以助軍費曰臣聞撫機適運理籍時來兼弱攻昧事資權道伏惟陛下繼明作聖闡業弘風思順天心用恢武畧方使長蛇外剪宇宙大同軍民內向車書混一竊以龍旗雷動天網雲布芻粟糧餼或須周給昔邊隅未靜卜式願上家財江河不溢衛茲請獻私粟且雖不敏敢忘景行謹上金寶等一十六件少助

軍資詔不納而以憲表示公卿曰人臣當如此朕貴其心耳寧須物乎乃詔憲率衆二萬為前軍趨黎陽高祖親圍河陰未克憲攻拔武濟進圍洛口收其東西二城以高祖疾班師是歲初置上柱國官以憲為之五年大舉東討憲率精騎二萬復為前鋒守雀鼠谷高祖親圍晉州憲進兵克洪州永安二城更圍進取齊人焚橋守險軍不得進遂屯於永安齊主聞晉州見圍乃將兵十萬自來援之時柱國陳王純頌軍千里徑大將軍水昌公椿屯難樓原大將軍宇文盛守汾水關並受憲節度憲密謂椿曰兵者詭道去留不定見機而作不得違常汝念為營不須張幕可伐柏為卷示有形勢今兵去之後賊猶欵疑也時齊主分軍萬人向十里徑又令其衆出汾水關自率大兵與椿對陳宇文盛馳騎告急憲自以千騎救之齊人望谷中塵起相率遽退盛與柱國侯莫陳芮涉汾逃之多有斬獲俄而椿告齊衆稍逼憲又回軍赴之會椿被勅追還率兵夜返齊人果謂柏卷為帳幕也不疑軍退翌日始悟時高祖已去晉州留憲為後拒齊主自率衆來追至於高梁橋憲以精騎二千阻水為陣齊領軍段暢直進至橋憲隔水招暢與語語畢憲問暢曰若何姓名暢曰領軍段暢也公復為誰憲曰我虞侯大都督耳暢曰觀公言語不是凡人今日相見何用隱其名位陳

永樂大典

卷八九七八

王純。梁公侯莫陳芮內史王誼等。並在憲側。暢固問不已。憲乃曰。我天子
大弟齊王也。指陳王純以下。並以名位告之。暢鞭馬而去。憲即命旋軍。而
齊人遽追之。戈甲甚銳。憲與開府宇文忻各統精卒百騎為殿。以拒之。斬
其驍將賀蘭豹于山。擄環等百餘人。齊衆乃退。憲渡汾而及高祖於玉壁。
高祖又令憲率兵六萬。還援晉州。憲遂進軍營于涑水。齊主攻圍晉州。晝
夜不息。周謀還者。或云已陷。憲乃遣柱國越王盛。大將軍尉遲迥。開府宇
文神舉等。輕騎一萬。夜至晉州。憲進軍據蒙坑。為其後援。知城未陷。乃歸
涑川。尋而高祖東轅。次于高顯。憲率所部先向晉州。明日諸軍總集。稍逼
城下。齊人亦大出兵陳於營南。高祖召憲馳往觀之。憲返命曰。是易為耳。
請破之。而後食。帝悅曰。如汝所言。吾無憂矣。憲退。內史柳蚪私謂憲曰。賊
亦不少。王安得輕之。憲曰。憲受委前鋒。情兼家國。掃此逋寇。事等摧枯。尚
周之事。公所知也。賊兵雖衆。其如我何。既而諸軍俱進。應時大潰。其夜齊
主遁走。憲輕騎追之。既及永安。高祖續至。齊人收其餘衆。復據高壁。及洛
女岩。高祖命憲攻洛女破之。明日與大軍會於介休。時齊主已走鄆。留其
從兄安德王延宗據并州。延宗因僭偽號。出兵拒戰。高祖進圍其城。憲攻
其西面克之。延宗遁走。追而獲之。以功進封第二子安城公。質為河間王。

永樂大典卷九百九十八

九

拜第三子實為大將軍。仍詔憲先驅趨鄆。明年進克鄆城。齊任城王湣廣
寧王孝珩等據守信都。有衆數萬。高祖復詔憲討之。仍命齊主手書與湣
曰。朝廷遇緯甚厚。諸王無恙。叔若釋甲。則無不優待。若不納。乃大開賞募。
多出金帛。沙門求為戰士者亦數十人。憲軍過趙州。潛令間諜二人覘
形勢。候騎執以白憲。憲乃集齊之舊將。遍示之。又謂之曰。吾所爭者大。不
在汝等。今汝汝運。可即充我使。乃與潛書曰。山川有阻。每深勞佇。仲春戒
節。納履惟宜。承始屆兩河。仍圖三位。二者交戰。想無虧德。昔魏曆云。李海
內橫流。我太祖撫運乘時。大庇黔首。皇上嗣膺下武。式隆景業。典稽山之
會。摠盟津之師。雷駭唐郊。則野無橫陳。雲騰晉水。則地靡嚴城。襲偽之節。
既奔竄於草澤。竊號之長。亦委命於旌門。德義振於無垠。威風被於有截。
彼朝宿將舊臣。良家戚里。俱升榮寵。皆蒙好爵。是使臨漳之下。効死爭驅。
營丘之前。奮身畢命。此豈唯人事。抑亦天時。宜訪之道路。無俟傍說。吾以
不武。任摠元戎。受命安邊。路指幽冀。列邑名藩。莫不屈膝。宣風導禮。皆荷
來蘇。足下高氏今王。英風夙著。古今成敗。備諸懷抱。豈不知一木不維大
厦。三諫可以逃身哉。且殷微去商。侯服周代。項伯背楚。賜姓漢朝。去此弗
圖。苟徇亡轍。家破身殞。為天下笑。又足下謀者為。候騎所拘。軍中情實。具

諸執事。知以弱卒填甲。欲抗堂堂之師。蒙帶污城。其保區區之命。戰非上計。無待卜疑。守乃下策。或未相許。已勒諸軍。分道並進。相望非遠。憲執有期。兵交命使。古今通典。不俟終日。所望知義也。憲主信都。潛陣於城南。憲登張耳冢。以望之。俄而潛所著領軍尉相願。偽出畧陣。遂以衆降。相願。潛心腹也。東甚駭懼。潛大怒。殺其妻子。明日復戰。遂破之。俘斬三萬人。擒潛及李珩等。憲謂潛曰。任城王。何苦至此。潛曰。下官神武帝子。兄弟十五人。幸而獨存。遂宗社顛覆。今日得死。無愧墳陵。憲壯之。命歸其妻子。厚加資給。又問李珩。李珩布陳國難。辭淚俱下。俯仰有節。憲亦為之改容。憲賦多謀多算。略尤長於撫御。達於任使。揮鋒陷陣。為士卒先。群下感悅。咸為之用。齊人夙聞威聲。無不憚其勇略。及并州之捷。長驅敵境。翦拔不擾。軍無私焉。先是稽胡沒鐸自稱皇帝。又詔憲督趙王招等討平之。語在稽胡傳。憲自以威名日重。潛思屏退。及高祖欲親征北蕃。乃辭以疾。高祖變色曰。汝若偃行。誰為吾使。憲懼曰。臣陪奉鑿與。誠為本願。但身嬰痲疾。不堪領兵。帝許之。尋而高祖崩。宣帝嗣位。以憲屬尊望重。深忌憚之。特高祖未葬。諸王在內治。服司衛。長孫覽總兵輔政。恐諸王有異志。奏令開府于智察。其動靜。及高祖山陵還。諸王歸第。帝又命智就宅候憲。因是告憲有謀。帝

宋樂大業卷九百五十八

十

乃遣小象宰宇文孝伯謂憲曰。三公之位。宜屬親賢。今欲以叔為太師。九叔為太傅。十一叔為太保。叔以為何如。憲曰。臣才輕位重。滿盈是懼。三師之任。非所敢當。且太祖勲臣。宜膺此舉。若專用臣兄弟。恐乖物議。孝伯反命。尋而復來曰。詔王晚共諸王俱至殿門。憲獨被引進。帝先伏壯士於別室。至即執之。憲辭色不撓。固自陳說。帝使于智對憲。憲目光如炬。與智相質。或謂憲曰。以王今日事勢。何用多言。憲曰。我位重屬尊。一旦至此。死生有命。寧復圖存。但以老母在堂。恐留並恨身。因擲笏於地。乃縊之。時年三十五歲。以于智為柱國。封齊國公。又殺上大將軍安邑公王興。上開府獨孤熊開府竇盧紹等。皆以昵於憲也。帝既誅憲。無以為辭。故託興等與憲結謀。遂如其戮。時人知其冤酷。咸云伴憲死也。憲所生連步于氏。如茹人也。建德三年。冊為齊國太妃。憲有至性。事母以孝聞。太妃舊患風熱。屢經振動。憲衣不解帶。扶侍左右。憲或東西從後。母心驚。其母必有疾。乃馳使參問。果如所慮。憲六丁。貴質實。真乾禧。乳洽。貴字乳福。少聰敏。涉獵經史。尤便騎射。始讀孝經。使謂人曰。讀此一經。足為立身之本。天和四年。始十歲。封安定郡公。邑一千五百戶。太祖之初為丞相也。始封此郡。未嘗假人。至是封貴馬。年十一。從憲獵於鹽州。一圍之中。手射野馬及鹿十有五

頭建德二年。冊拜齊國世子。四年。授車騎大將軍。儀同三司。尋出為幽州刺史。責雖出自深宮。而留心庶政。性聰敏。過目輒記。嘗道逢二人。謂其左右曰。此人是縣黨。何因輒行。左右不識。責便說其姓名。莫不嗟伏。白獸烽經為商人所燒。烽帥納貨不言其罪。他日此帥隨列來參。責乃問云。商人燒烽。何因私放。烽帥愕然。遂即首伏。其明察如此。五年四月卒。時年十七。高祖甚痛惜之。質字乾祐。初封安城公。後以憲勳。進封河間郡王。質字乾禮。大將軍中琪公質。出後。苜莊公。乾禧。安城公。乾洽。龍洞公。並與憲俱被誅。史臣曰。自兩漢逮乎魏晉。其帝第帝子衆矣。唯楚元河間。東平。陳思之徒。以文儒播美。任城。鄆。郗。以武功馳譽。何則。體自尊極。長於宮闈。伏樂侈其心。驕貴蕩其志。故使奇才高行。終鮮於天下之士。焉。齊王奇姿傑出。獨牢籠於前載。以介弟之地。居上將之重。智勇冠世。攻戰如神。敵國繫以存亡。鼎命由其輕重。比之異姓。則方召韓白。何以加。茲挾震主之威。屬道消之日。斯人而嬰斯戮。君子是以知周祚之不永也。昔張耳陳餘賓客。爵後所居。皆取卿相。而齊之文武僚吏。其後亦多台格異世。同符。可謂賢矣。

文開明武宣諸子。
文帝十三子。姚夫人。生世宗。後宮生宋獻公。震。文元皇后。生孝閔皇帝。文

永樂大典卷九千七百六

主

宣皇后叱奴氏。生高祖。衛刺王直。達。庚干。妃主齊王憲。王姬。主趙僭王招。後宮主。燕孝王儉。陳惑王純。越野王威。代。曼王達。莫康公通。滕開王道。齊場王別有傳。

宋獻公震。字彌俄。幼而敏達。年十歲。誦孝經論語毛詩。後與世宗俱受禮記尚書於盧誕。大統十六年。封武邑公。二千戶。尚魏文帝女。其年。薨。保定元年。追贈使持節柱國大將軍。少師。大司馬。大都督。青徐等十州諸軍事。青州刺史。進封宋國公。增邑。并前一萬戶。無子。以世宗第三子寔為嗣。寔字乾辨。建德三年。進爵為王。大象中。為大前疑。尋為隋文帝所害。國除。衛刺王直。字豆羅突。魏恭帝三年。封秦郡公。邑一千戶。武成初。出鎮瀋州。拜大將軍。進衛國公。邑萬戶。保定初。為雍州牧。尋進位柱國。轉大司空。出為襄州總管。天和中。陳州刺史。華皎舉州來附。詔直督綏德公陸通。大將軍田於權景。宣元定等兵。赴援。與陳將淳于量。吳明徽等戰於沌口。直軍不利。元定遂投江南。直坐免官。直高祖母弟。性浮詭。貪狠無賴。以晉公護執政。遂貳於帝。而昵護。及沌口還。愠於克黜。又請帝除之。冀其得侍。帝夙有誅護之意。遂與直謀之。及護誅。帝乃以齊王憲為大冢宰。直既非本望。又請為大司馬。意欲揔知戎馬。得擅威權。帝揣知其意。謂之曰。汝兄弟

長幼有序寧可反居下列也。乃以直為大司徒。建德三年。進爵為王。初高祖以直等為東宮更使。直自擇所居。直歷觀府署。無稱意者。至廢殿。此佛寺。欲居之。齊王憲謂直曰。弟兒女成。長理須寬博。此寺偏小。詎是所宜。直曰。一身尚不自容。何論兒女。憲恠而疑之。直嘗從帝校獵。而亂行。帝怒。對東捷之。自是慎怨滋甚。及幸雲陽宮。直在京師。舉兵反攻。肅章門。司武尉運開門拒守。直不得入。語在運傳。直遂遁走。追至荊州。獲之。免為庶人。囚於別宮。尋而更有異志。遂誅之。及其子賀。直塞。實秘津。乾。理。乾。理。乾。理。乾。理。等十人。圖除。

趙僭王招。字豆盧突。幼聰穎。博涉群書。好屬文學。度信體詞。多輕詭。魏恭帝三年。封正平郡公。邑一千戶。武成初。進封趙國公。邑萬戶。保定中。拜為柱國。出為益州總管。建德元年。授大司空。轉司馬。三年。進爵為王。除雍州牧。四年。大軍東討。招為後三軍總管。五年。又從高祖東伐。率步騎一萬出華谷。攻齊汾州。及并州。晉。進位上柱國。東夏底定。又為行軍總管。與齊王討稽胡。招擒賊帥劉沒鐸。斬之。胡寇平。宣政中。拜大師。大象元年。五月。詔以洛州襄國郡。邑萬戶。為趙。招出就國。二年。宣帝不豫。徵招及陳。越。代。滕。五王。赴闕。比。招等至。而帝已崩。隋文帝輔政。加招等殊禮。入朝。不趨。劔。履。上。

宋樂舞卷九百五

五

廢隋文帝將遷周鼎。招密欲圖之。以匡社稷。乃邀隋文帝至第。飲於寢室。招子負貫及妃弟。曾封所親人。史。曹。皆先在左右。佩刀而立。又藏兵刃於帷席之間。後院亦伏壯士。隋文帝從者多在闕外。唯楊弘。元。曹。曹。弟。威。及陶。微。坐於戶側。招屢以佩刀割瓜。啖隋文帝。隋文帝未之疑也。元。曹。覺。舉。扣刀而入。招乃以大觴親飲。曹。酒。又命曹。向厨中取漿。曹。不為之。勳。滕。王。迨。後。至。隋。文。帝。降。階。迎。之。元。曹。因。得。耳。語。曰。形。勢。大。異。公。宜。速。出。隋。文。帝。共。迨。等。就。坐。須。臾。辭。出。後。事。覺。陷。以。謀。反。其。年。秋。誅。招。及。其。子。德。廣。公。負。永康。公。貫。越。構。公。乾。銑。弟。乾。鈺。乾。鏗。等。圖。除。招。所。著。文。集。十。卷。行。於。世。

譙孝王儉。字侯幼突。武成初。封譙國公。邑萬戶。天和中。拜大將軍。尋遷柱國。出為益州總管。建德三年。進爵為王。五年。東代。以本官為左一軍總管。攻水圍城。拔之。進平計鄴。拜大冢宰。是歲。稽胡反。詔儉為行軍總管。與齊王憲討之。有胡帥自號天柱者。據守河東。儉攻破之。斬首三十級。宣政元年。二月。薨。子乾。輝。嗣。大。定。中。為。隋。文。帝。所。害。圖。除。

陳惑王純。字理智。武成初。封陳國公。邑萬戶。保定中。除岐州刺史。加開府儀同三司。便於突厥。迎皇后。拜大將軍。尋進位柱國。出為秦州總管。轉陝州總管。督鴈門。公田弘。拔。齊。且。陽。等。九。城。建。德。三。年。進。爵。為。王。四。年。大。

永樂大典

卷八九七八

軍東伐純為前一軍總管以帝寢疾班師五年大軍復東討詔純前一軍率步軍二萬守千里徑并州平進位上柱國即拜并州總管宣政中除雍州牧遷太傅大象元年五月以濟南郡邑萬戶為陳純出就國二年朝京師時隋文帝專政削落宗枝遂害純并世子謙及弟苞公讓讓弟議等國除越野王盛字立久突武成初封越國公邑萬戶天和初中進爵為王四年大軍伐齊盛為後一軍總管五年大軍又東討盛率所領拔齊高顯等數城并州平進位上柱國從平鄴拜相州總管宣政元年入為大冢宰汾州楷胡帥劉愛蓮千反詔盛率諸軍討平之大象元年遷大前疑轉太保其年詔以豐州武當安富二郡邑萬戶為越盛出就國二年朝京師其杖為隋文帝所害并其子悅標恢慎忻等五人國除

代爨王達字度斤突性果決善騎射武功初封代國公邑萬戶天和元年拜大將軍右宮伯拜左宗衛建德初進位柱國出為荆淮等十四州十防諸軍事荆州刺史在州有政績高祖手勅褒美之所管澧州刺史蔡澤蹟貨被訟賊狀分明以其世著勲庸不可加戮若曲法貫之又非奉上之體乃今所司精加按劾密表奏之事竟得釋終亦不言其處事周慎如此達雅好節儉食無兼膳侍姬不過數人皆衣綠衣又不營貨產國無儲積左

永樂大典卷九百五十八

重

右嘗以為言達從容謂之曰君子憂道不憂貧何煩於此三年進爵為王出為益州總管高祖東伐以為右一軍總管齊淑妃馮氏尤為齊後主所幸齊平見獲帝以達不過聲色特以馮氏賜之宣帝即位進位上柱國大象元年拜大右衛其年詔以潞州上黨郡邑萬戶為伐達出就國二年朝京其年冬為隋文帝所害及其世子執弟蕃國公轉等國除

冀康公通字在率突武成初封冀國公邑萬戶天和六年十月薨于絢嗣建德三年進爵為王大象中為隋文帝所害國除

滕開王通字爾固突必好經史解屬文武成初封滕國公邑萬戶天和末拜大將軍建德初進位柱國三年進爵為王六年為行軍總管與齊王憲征稽胡追破其渠帥楊友等斬首八十級遷除河陽總管宣政元年進位上柱國其年伐陳詔通為元帥節度諸軍事大象元年五月詔以荊州新野郡邑萬戶為滕通出就國二年朝京其年冬為隋文帝所害并子懷德公祐弟箕國公裕弟禮禧等國除通所著文章頗行於世孝閔帝一畧陸夫人生紀屬王康

紀屬王康字乾定保定初封紀國公邑萬戶建德三年進爵為王仍出為總管利始等五州大小細二防諸軍事利州刺史康驕矜無軌度信任僚

佐盧奔等。遂繕修戎器。陰有異謀。司錄裴融諫止之。康不聽。乃殺融。五年。詔賜康死。子暹嗣。太定中為隋文帝所害。國除。

明帝三男。徐妃生畢利王賢。後宮主鄧王貞。宋王寔。實傳闕。畢利王賢。字乾陽。保定四年封畢國公。建德三年進爵為王。出為華州刺史。遷荊州總管。進位柱國。宣政中入為大司空。大象初。進位上柱國。雍州牧。太師。明年宣帝崩。賢性強濟。有威畧。慮隋文帝傾覆宗社。言頗泄漏。尋為所害。并其子弘義。恭道。樹。壤等。國除。

鄧王貞。字乾雅。初封鄧國公。建德三年進爵為王。大象初為大象宰。後為隋文帝所害。并其子濟陰郡公德文。國除。

武帝生七男。李皇后生宣帝。漢王贊。庫汗姬生秦王贄。曹王允。馮姬生道王充。薛世歸生蔡王允。鄭姬生荆王元。

漢王贊。字乾依。初封漢國公。建德三年進爵為王。仍柱國。大象末。隋文帝輔政。欲順物情。乃進上柱國。右大丞相。外示尊崇。寔無綜理。及諸方略定。又輔太師。尋為隋文帝所害。并其子淮陽公道德。弟道智。道義等。除國。

秦王贄。字乾信。初封秦國公。建德三年進爵為王。上柱國。大象宰。大右衛。尋為隋文帝所害。并其子忠誠。公靖智。弟靖仁等。國除。

永樂泰卷十九

高

曹王允。字乾仕。初封曹國公。建德三年進爵為王。道王充。字乾仁。建德六年封王。

蔡王允。字乾俊。建德六年封王。荆王元。字乾儀。宣政元年封王。元及允充等。並為隋文帝所害。國除。

宣帝三子。宋皇后生靜皇帝。王姬生鄴王行。皇甫姬生郢王術。鄴王術。大象二年封王。

郢王術。大象二年封王。與行並為隋文帝所害。國除。史臣曰。昔賢之議者。咸云以周建五等。歷載八百。秦立郡縣。二世而亡。雖得失之迹可尋。是非之理互起。而因循莫變。復古未聞。良由著論者溺於責達。司契者難於易業。詳求通變之道。未窮於至當也。嘗試論之。夫皇王迭興。為國之道。匪一。賢聖間出。立德之指。殊塗斯豈。故為相反哉。亦云治而已矣。何則。五等之制。行於商周之前。郡縣之設。始於秦漢之後。論時則澆淳埋隔。易地則用捨或殊。譬猶干戈日用。難以成埃。下之業。撥嗣所述。不可施成。周之朝。是知因時制宜者。為政之上務也。觀民立教者。經國之長策也。且夫列封疆。建侯伯。擇賢能。置牧守。循名雖曰異軌。責實抑亦同歸。盛則與之共安。衰則與之共患。共安繫乎善惡。非禮義無以敦風。共患寄以存亡。非甲兵

不能靖亂。是以齊晉帥禮。非業傾而復振。溫陶釋位。王綱弛而更張。然則周之列國。非一姓也。晉之群臣。非一族也。豈齊晉強於列國。溫陶賢於群臣者哉。蓋勢重者易以立功。權輕者難以盡節。故也。由此言之。建侯置守。乃古今之異術。兵權勢位。蓋安危之所階乎。太祖之定關右。日不暇給。既以人臣禮終。未遑藩屏之事。晉陽輔政。爰樹其黨。宗室長幼。並據勢位。握兵權。雖海內謝隆平之風。而國家有磐石之固矣。高祖克翦芒刺。思弘政術。懲專朝之為患。忘維城之遠圖。外崇寵位。內結猜阻。自是配天之基。潛有朽壤之墟矣。宣皇嗣位。凶暴是聞。莫刈先其本枝。削黜過於公族。雖復地惟叔父。親則同主。文能附衆。武能威敵。莫不謝卿士於當年。從僕服於下國。號為千乘。勢侔足夫。是以權臣乘其機。謀士因其隙。遷龜鼎於俯拾。藏王侯烈於燎原。悠悠遠古。未聞斯酷。豈非權枯振朽。易為力乎。向使宣皇采嬖劉之制。覽聖哲之術。分命賢戚。布於內外。料其輕重。問以親疎。首尾相待。遠近為用。使其勢位也足以扶危。其權力也不能為亂。事業既定。僥倖自息。雖使卧赤子。朝委裘。社稷固以久安。億兆可以無患矣。何后族之地而勢能窺其神器哉。

永樂大典卷之八千九百七十八

重錄總校官侍郎 戶 高 拱

學士 戶 胡 正 策

分校官侍讀 戶 呂 天

書寫儒士 戶 趙 應 齊

圖照監生 戶 徐 克 壯

戶 歐陽 軒